

什邡縣志卷十三

古蹟志

禹王廟治北一百四十里三江口山內後有禹母祠其地怪石嵯岬層岩左右交插洛流曲屈環繞中有九聯坪坪境之末廟基在焉基址鴻濶年代無稽古碑屹立字跡不可辨疑秦漢間物相傳禹母居此禹黃帝之後黃帝子昌意娶於蜀生顓頊為禹之祖禹娶塗山氏元賈易巖辨之謂在今巴渝之地會稽塗山乃葬衣冠之所也是禹本蜀產親

什邡縣志

卷十三

古蹟

一

糸皆衍於蜀按帝王世紀堯戊戌五十八載六月六日生禹於夔道廣柔縣石紐鄉之剗兒坪查廣柔無可考通志石紐村云在石泉又云在汶川考汶川古名汶山郡石泉亦軍名所轄當必廣濶今地有此境踞洛水之源交接汶石之界皆於禹事類合記之以告博雅者史志 考麓靈治水張儀築城龜洛原蜀所有聖人生而神靈迨事業成就因端闡發理固不謬顧中土易傳邊方易失勢則有然孰敢妄議原注謹按史記夏本紀正義帝王紀云鯀娶修已吞神珠薏苡曾拆而生禹揚雄蜀王本紀云禹本

汶山郡廣柔縣人也生於石紐括地志云茂州汶川縣石紐山在縣西七十三里考漢書地理志蜀郡廣柔縣無注釋後世考古者或謂唐置石泉縣卽漢廣柔地或謂隋改廣柔爲汶川通志汶川縣有廣柔廢城在縣西七十二里又引譙周蜀本紀禹汶山郡廣柔縣人生於石紐其地名剗兒坪謂今在石泉縣考石泉縣志石紐山在治南一里有大禹廟又禹穴在治北三十里九龍山第五峯澗谷幽險人跡罕到剗兒坪

在其下地稍平有跡儼如人坐卧相傳生禹遺跡是石紐距剗兒坪三十餘里非在一處與蜀本紀生石紐地名剗兒坪者既不盡合又非坪而援以爲坪此殆因石泉有禹穴而附會之耳寰宇記石紐村在汶川縣西一百四十里與括地志縣西七十三里雖異然今石泉之石紐山西距汶川四百餘里則非蜀紀諸書之石紐明矣宋紹興中計有功作石泉禹廟記謂石紐故處莫適主名唐以前石泉之名未立譙周陳壽

皇甫謐皆指石紐爲汶山之地自石泉名立其
後唐地里志宋職方書先儒輿地記皆以石紐
歸石泉雖莫辨其故然汶山之山曰鐵豹江水
出焉汶川之山曰玉壘湔水出焉石泉之山曰
石紐大禹生焉合之則一離之則散處於三邑
之近無可疑者政和陞石泉而軍之太守趙公
將廟祀禹而疑論未釋郡士計有功等釋究數
千年事議遂決計爲石泉人其言如此則自唐
以來書冊之所附會大畧可知也今汶川西有

無石紐故跡旣不可考意東西字誤猶禹穴在
石泉縣北而蜀碑記以爲在縣南二十里夏禹
生此其譌誤大率類是也余因什邑九聯坪有
禹母祠遺跡其地介石泉汶川之間皆在汶川
縣東未敢信以爲禹母之果必在是而要其距
汶川較石泉近半又因洛水及什邡名義證之
於洛書方方合十之應固不能置之於不論於
是有什邡考九聯坪圖記諸作邑舊志謂汶川
古名汶山郡所轄當必廣濶今地有此境踞洛

水之源接汶石之界皆於兩事類合則昔人蓋已先我而論之特以石泉已有石紐列兒坪之顯名而未敢議耳因復取石泉志所載而考其六畧可疑者如此汶山汶川汶皆通岷史記夏本紀汶嶓既藝汶山道江岷皆作汶故此地稱汶今或呼汶字本音者誤也知縣紀大奎謹識
雒縣廢址治北五十里洛水南岸考熙寧碑卽今街子場地形址宛然可識查雒縣舊址不一一在德陽縣一在漢州惟西漢時在章山之陽今以漢書

地理志酈道元水經証之確無可疑蓋雒本以洛水得名秦時所置其地近山下又因流水所瀉之形號汁方因編爲縣故其字加人加邑劉焉鎮蜀移雒於什德之間三國志先主入蜀破涪李恢迎於綿竹同至雒城至隋又移治漢州唐宋因之漢以綿竹爲重鎮者備陰平且牽制葭萌也

史志

按雒洛二字通用漢書地理志雒陽縣注師古曰魚豢云漢火行忌水故去洛水而加佳如魚氏說則光武以後改爲雒字也按此則因東京

洛陽改雒於是凡洛皆作雒魏復改洛陽而此
雒縣舊名尚存也又因流水所瀉之形號汁方
語殊牽強別有考熙寧碑在大安王廟側今無
存

雍齒故城宋白曰在縣南四十步今無考

史志

南陽故城在縣西二十三里涪陵李膺有記

記缺晉

太康中置南陽郡永寧中李雄叛蜀遣李壽盡掠
漢州五千餘家踞此西魏三年郡廢今爲南陽鄉

史志

什邡縣志

卷十三

古蹟

五

按南陽鄉在今縣治西北地方最濶南陽故城
無可考或卽街子場雒縣舊址距縣治四十一
里舊通志縣志皆云在縣西二十三里蓋因縣
西二十三里南陽寺而誤耳南陽寺在今永
安鄉

畫壁庵在禹王廟之西十里洛水岸之右相傳吳道

子真跡

史志

後城治治北五十里舊雒縣城之後或以爲李公治
水後成仙於此上有古寺

史志

昇仙臺治北五十里卽大安王登仙處在今後城治山上其絕壁上刻天成仙造飯處岩西又鐫李公

昇仙之處史志

將相臺治南三里漢高祖封雍齒處通志今無考史志

漢王祠治北二十五里昭烈帝取蜀過此慰勞百姓

後民慕其德立祠以祀歷代不絕康熙初年為野

火焚燬今惟古碑卓立其一在馬脚鎮街西史志今

碑無存

馬脚井治西二十里史志在馬脚鎮街西漢帝宮廟內

廟奉昭烈帝像相傳帝入蜀圍雒雒潰廣漢長黃

權閉城不下因自雒間道入成都夜墜井中馬韉

引之得出考鐘文載康熙間鄉民與設場市於瓦

礫內得破碑半邊方知其地為古漢帝宮因捐貲

建修前後殿宇奉帝像祀之斷碑今無存

蜀王廟治西二十三里南陽寺之左寺為劉宋大明

中所建後寺廢隋文帝封子秀為蜀王嘗獵於廢

址獲石像甚巨寺因以復寺側有泉匯為陂流百

餘里溉田數千百頃後民懷其德為王立廟歲久

爲遊丐食息之所里人請以廟隸寺事見宋紹興二十六年任愿蜀王廟碑記今但有南陽寺廟久無存

按南陽泉濬自何時無可考宋任愿蜀王廟記載某禪師善水觀王異之從問道得大無礙下文遂以匯泉之始爲水觀之餘波歸於佛力之不可思議其文理不相屬殆誤以水觀爲相泉之法水觀見內典是禪家從諸觀入三摩地之法習水觀者但見其水不見其身非相泉也或

當日蜀王修建南陽寺時復濬此泉匯爲陂灌田益多而某僧曾與其事任愿誤援他書所載此僧善水觀王從問道得大無礙之語以爲匯泉之據耳碑存南陽寺西廊舊志失載今補入藝文以備考

韓城子治西二十五里方如棋枰容肆十八畝東西二門脚濶丈餘今已懇入民冊爲田相傳宋末有韓氏居此時寇賊擾攘鄉民羣依此城以資保障因以得名其實爲晉時李特所築按晉永寧中李

特李流聚流民屯綿竹蜀刺史羅尚緣郫水作營
連延七百里相拒綿郫相持彭什之間最爲要害
故築此城以資犄角

史志

青雀柱治南二里有石柱書青雀二字相傳唐明皇
手書見漢州古志今無考

史志

潛虬鑿華山有潛虬歲盛夏水漲時常出下海異於
他處見古總志

史志

杜臨場治北三十里昔傳少陵杜公經此得名往跡
無可考今訪之惟一殘碑有子美及不相聯屬數

什邡縣志

卷十三

古蹟

八

字按上元元年高適牧彭州二年房琯爲漢州刺
史杜甫至成都常與二公往來曾有宿寺詩篇或
遊臨於此而後人慕之因以名場相傳至今不改

史志

杜臨觀治北二十五里亦因少陵偶寓得名今觀廢
遺址猶存有古墓空洞其中可容几席不知何人
墓墓門今封蔽又有古井深黑古石礫甚巨

濯纓泉治北十里

史志

方輿勝覽濯纓泉在什邡縣之

水陸院上有閣范蜀公嘗畱題程珣詩云濯纓泉

潔存遺跡促軫亭空想舊風

按舊通志在縣北三十里或云在城北七里掛鐘樓側樓古名龍泉寺有泉九處名九龍泉距九龍泉北二里許興隆場外一百餘步有泉寬三丈長四丈泉清潔底有白沙今名白沙泉土人云卽濯纓泉也流出數里與九龍泉合通志三十里誤今促軫亭水陸院及閣俱無考邑舊志及通志又引古志載唐仁愿云縣西十餘里古寺宋大明中建有泉匯爲陂浮於方亭達於

洛流百里許溉田數千萬頃此宋紹興間任愿隋帝子蜀王廟記碑文乃縣西二十三里之南陽泉非治北濯纓泉也碑現存南陽寺又誤以宋任愿爲唐仁愿蓋古蹟記載之易訛如此

天子院治北六十里鳳樓山下訂一名雪門寺寺不知建自何代相傳二程夫子讀書其中又云卽程子過笈叟講易處明天啟中僧普善重建後人於佛殿前建堂祀二程夫子康熙二十六年知縣胡之鴻揭二程夫子讀書處於山門內二十八年重

建前堂題曰雪門寺蓋取程門立雪故事以名之
四十九年知縣李允符山門外大書雪門精舍四
字寺舊名遂不可考或疑雪門卽舊名取雪山修
道之說者非也今堂內奉至聖鐵像設二程夫子
位於像側像高四尺背有萬歷七年十一月二十
六日鑄張成馬氏張超王氏張崇山任氏張崇良
唐氏三十字聞邑中舊多三教堂此像自淨石溝
居民康熙年間因原寺毀移奉於此夫子院之名
當始於此今不復稱寺矣此地羣峯聚講生面獨

開湔氏河自山左橫遶於前其外爲大河合流山
右數里出高景關湔氏河一名小河大河卽洛水
也高山仰止景行行止每至斯關慨然溯伊洛之

傳想苞符之蹟其烏可不知所嚮往也哉紀大奎
謹識

榮鄉亭治南宋陳岩夫建歐陽修有記丁今無考
志史

公墓治治北五十里宋元明時皆朱楊二姓之村史
志

印月井治城北每望夜井中常見月胡今闡
志史

八角井治西五里相傳龐真人煉丹處其水可愈瘡

疾胡志云一在灌縣西十里亦龐真人故跡史
志

漏灌水在大河八步坎前潭底古傳綿竹縣射水河

源由山底漏出邠民遇旱常以篋蓆做草塞之史志

冷泉亭治西四十里三泉寺之側舊址猶可髣髴丁志

羅漢沱治西五十里亦名龍潭在龍居山瀑布岩下

深不可測碧綠澄清昔有幼童見衆僧浴沱中就

視之一僧裂石以擲攜歸成金其父旋往跡之得

故石持回相比金又成石步入寺中環視羅漢像

水跡宛然史志

土城子治西四十五里湧泉之側周圍十餘畝積埂

什邠縣志

卷十三

古蹟

如城有四門之跡史志

五珠沱治西四十五里官渠河中水發時五股湧出

如珠沱下居民賴之史志

映月泉治西二十里聖壽寺前兩旁夾道竹樹蒼龍

栢影參差徘徊其間清光掩映足稱佳景史志

水雲洞在羅漢沱側洞有石牀臺几各一邑人徐君

應聘號光宇於左石壁刻水雲洞三字君生平好

山水夏秋常避暑於此故以名之友人勳明書上

又刻光宇洞天四大字史志

風洞火洞治北六十里高景關外道左史志二洞莫測

其底風洞口暑月偶住不寒而慄火洞口寒日偶住不綿自煖亦異事也

鴛鴦池治北七十里湔氐河深潭曲折二石居中回

翔之狀宛似鴛鴦史志

響黃洞在高橋之西二十里史志

水龍池治西山內竹溪河右山巔上池圓徑二丈餘

中多汚淤深不可測史志

金蓮池治北一百二十里瑩華山下其後山有池深

什邡縣志 卷十三 古蹟 三

八尺圍十餘丈天將雨池水鳴潮史志

秦家洞治北九十里湔氐河山石崎嶇險峻非雲梯

不到偽吳昭武時土人避兵者悉為賊所殺史志

鄉女軍營在山內木瓜坪史志

龍潭有三其一在治北太蓬山麓下古云中有石竅

暗通高景關潭夏秋時潮聲夜吼必有雨一係羅

漢沱一在吉陽山側野鴨河中史志

仙女洞治西二十里隱峯山壽尊寺後洞址宛存事

蹟無考史志

九股樹治北四十五里土阜上櫟樹也高百尺圍二十餘尺一本丈餘九幹齊發中空可容臺几餘各大數圍越七八里望之如幢幢車盖史志嘉慶十年爲大風推倒

圓石治西十七里巨石列孔道中徑四尺六寸圍員面微突細緻渾如琢磨物大雨後視之五色點紋斑駁可愛居人子女疾痛寄名呼之又曰靈石查石四旁週數十里皆無巨石此獨盤踞塗間不惟形奇所處之地亦甚奇古傳星墜所化意者亦如

春秋綱目隕石之類與

史志

石牛治西三十八里巢鳳山側高丈餘圍五丈餘肖臥牛之狀昔云夜嘗數遊踐人田禾捕之斷其蹄

患乃息

史志

臥虎石治西四十五里以其形得名

史志

朱家井治西四十里永安鄉地明貢士朱月鶴故居每年修堰時水缺赴汲者週十餘里康熙乙酉年水涸淘至三丈餘猶未見底

史志

菡萏池今名潤澤池在縣署西圃知縣丁士一因汚

池鑿曲沼洞漩中峙小嶼嶼上建亭名曰寄暢池
跨雙橋種以蓮藕康熙己亥初開並蒂庚子辛丑
瑞花纍纍公與及門會文唱和有署圃花咏集惜
其集失傳史志

麗澤池一名翰墨池縣城東角書院之左舊有古池
年久淤塞草鞠豐穢知縣史進爵覓人芟之闢之
中露亭基遂建亭於上匾曰宛在遍地種藕與署
內菡萏池遙相掩映名曰麗澤亦講習資深之義
也署內池按文卦之兌此池按義卦之兌易曰麗

什邡縣志

卷十三

古蹟

十四

澤兌故二池皆以澤名

史志

棠蔭堂在宛在亭之前邑令胡公之鴻丁公士一善
養善教士民不忘立祠安位春秋致祭邑令史公
進爵將宛在亭一地給僧收租以助祭之不及

慧劍井在慧劍寺中唐明皇時波崙禪師道德高妙
帝聞召至闕賜金劍寶鉢師欲歸臨空擲劍飛落
井中因建殿以覆之今古蹟猶存

新婦水縣西二十五里流合廉江水昔有新婦事姑
負汲遠水無倦忽一夕宅旁湧泉成流屈曲盤辟

投宅人以爲誠孝所致通志卽今盤江河泉湧處爲

官倉堰史志按舊志以此水入山川非河本名今改

歸古蹟以盤江河補入山川

迴瀾塔在治城東南隅史志

距邑東南十里龍橋之左相傳古有迴瀾塔明末

燬圻乾隆丁卯戊辰前令史公復議修建塔基甫

立費鉅中止因作記以志其未慊於心之一事嘉

慶己巳邑人士又議捐修已乞余爲作序矣適因

公至其地則塔址兩面纍纍蓋六十餘年民間冢

墓遽用憮然塔之有無無關於興廢而令民有遷

冢之事非可一息安亟止之示以永不得建茲塔

善乎史公之言曰塔之在迴瀾者四方皆仰塔之

在人心者奕禩無窮然則人能不自卑闇其心則

無人無時不可日進於高明光大之域所以障百

川而迴狂瀾者不且百倍於有形之塔也哉紀大奎識